

| | | | | | |
|----------|------|--------|-----|--|-------------------|
| 14010001 | 6144 | EAO008 | 107 | Pokriće gubitaka za javni prevoz | 3.000.000 |
| 14010001 | 6144 | EAO010 | 107 | Subvencije za javni prijevoz | 879.000 |
| | | | | Na razdjel: | |
| 18010001 | | | | Ministarstva privrede Kantona Sarajevo | |
| | | | | Na ekonomski kod (Izvor 10) | |
| 18010001 | 6154 | IAU001 | 047 | Podrška projektima ZOI 84 Olimpijski centar Sarajevo d.o.o. | 600.000 |
| | | | | Na razdjel: | |
| 19010001 | | | | Ministarstva finansija Kantona Sarajevo | |
| | | | | Na ekonomski kod (Izvor 10) | |
| 19010001 | 6148 | | 011 | Drugi tekući rashodi | 327.000 |
| 19010001 | 8233 | | 011 | Otplate domaćeg pozajmljivanja | 173.000 |
| | | | | Na razdjel: | |
| 23010001 | | | | Ministarstva za rad, socijalnu politiku raseljena lica i izbjeglice Kantona Sarajevo | |
| | | | | Na ekonomski kod (Izvor 10) | |
| 23010001 | 6142 | NAM002 | 104 | Zaštita porodice sa djecom | 1.560.000 |
| | | | | Na razdjel: | |
| 33010001 | | | | Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo | |
| | | | | Na ekonomski kod (Izvor 10) | |
| 33010001 | 6152 | YAU028 | 061 | Kapitalni transferi pojedincima - Subvencioniranje mladih pri rješavanju stambenog pitanja | 4.850.000 |
| | | | | Na razdjel: | |
| 18010001 | | | | Ministarstva privrede Kantona Sarajevo | |
| | | | | Na ekonomski kod (Izvor 50) | |
| 18010001 | 6154 | IAU001 | 047 | Podrška projektima ZOI 84 Olimpijski centar Sarajevo d.o.o. | 400.000 |
| | | | | UKUPNO | 12.589.000 |

2. Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-04-43099-24/22
20. oktobra 2022. godine
Sarajevo

Po ovlaštenju premijera
Ministar
Davor Čičić, s. r.

Ministarstvo finansija Kantona Sarajevo

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 35. stav (1) Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22), ministar finansija Kantona Sarajevo donosi

PRAVILNIK O POSTUPKU INTERNOG PRIJAVLJIVANJA KORUPCIJE I POSTUPANJU PO PRIJAVAMA U MINISTARSTVU FINANSIJA KANTONA SARAJEVO

I. OPĆE ODREDBE

Član 1.

(Predmet)

Pravilnikom o postupku internog prijavljivanja korupcije i postupanju po prijavama u Ministarstvu finansija Kantona Sarajevo (u daljem tekstu: Pravilnik) uređuje se način prijavljivanja korupcije u Ministarstvu finansija Kantona Sarajevo (u daljem tekstu: Ministarstvo), postupanje po zaprimljenim prijavama korupcije, razmatranje zaprimljenih prijava korupcije, obaveze obavještanja osobe koja je prijavila korupciju o poduzetim radnjama, te druga pitanja koja su vezana za prijavljivanje korupcije u Ministarstvu.

Član 2.

(Pojmovi)

U smislu ovog Pravilnika:

- "korupcija" podrazumijeva zloupotrebu povjerene funkcije, radne obaveze ili posla od strane nosioca javne funkcije ili državnog službenika i namještenika u Ministarstvu;
- "prijava korupcije" je pismeno ili usmeno obavještenje koje sadrži informacije iz kojih proizilazi sumnja da je izvršena korupcija;
- "interno prijavljivanje" postoji kada prijavitelj podnosi prijavu da je izvršena korupcija, ministru finansija Kantona Sarajevo (u daljem tekstu: ministar) kao odgovornom licu u Ministarstvu ili ovlaštenom licu za prijem i postupanje po prijavama korupcije u Ministarstvu.

Član 3.

(Rodna ravnopravnost)

Izrazi koji su u ovom pravilniku radi preglednosti dati u jednom gramatičkom rodu bez diskriminacije se odnose i na muški i na ženski rod.

II. PRIJAVLJIVANJE KORUPCIJE

Član 4.

(Pravo na prijavljivanje korupcije)

- Svaki državni službenik i namještenik Ministarstva ili drugo lice koje ima informaciju o postojanju bilo kojeg oblika korupcije (u daljem tekstu: prijavitelj) u Ministarstvu može podnijeti prijavu korupcije.
- Pravo na prijavljivanje korupcije državnog službenika ili namještenika u Ministarstvu ne isključuje pravo na podnošenje disciplinske prijave u skladu sa odredbama Zakona o državnoj službi u Kantonu Sarajevo ("Službene novine Kantona Sarajevo BiH", br. 31/16 i 45/19), Zakona o namještenicima u organima državne službe u Federaciji Bosne i Hercegovine ("Službene novine Federacije BiH", br. 49/05 i 103/21), Uredbe o pravilima disciplinskog postupka za disciplinsku odgovornost državnih službenika u organima državne službe u Kantonu Sarajevo ("Službene novine Kantona Sarajevo", br. 22/20 i 23/22), Uredbe o pravilima disciplinskog postupka za disciplinsku odgovornost državnih službenika u organima državne službe u Federaciji Bosne i Hercegovine ("Službene novine Federacije BiH", br. 72/04, 75/09, 17/21 i 55/21), Pravilnika o radnim odnosima državnih službenika i namještenika Ministarstva finansija Kantona Sarajevo ("Službene novine Kantona Sarajevo" broj 31/20) i Etičkog kodeksa i drugih podzakonskih akata kojima je ovo pravo regulisano.

Član 5.

(Način prijavljivanja i sadržaj prijave)

- (1) Prijava korupcije može se podnijeti putem protokola, putem pošte, putem elektronske pošte (e- mail) ili online sistema za prijavu korupcije na službenoj internet stranici Ministarstva, putem kutije/sandučeta za prijavu na kojem je jasno naznačeno "ZA PRIJAVU KORUPCIJE" ili usmeno izjaviti na zapisnik.
- (2) Prijava sadrži:
 - a) podatke o prijavitelju korupcije;
 - b) informacije koje upućuju da je u Ministarstvu izvršena korupcija;
 - c) opis radnje ili ponašanja koje se prijavljuje kao korupcija, uz navođenje konkretnih činjenica i okolnosti iz kojih proizilazi sumnja prijavitelja da je izvršena korupcija;
 - d) podatke o licu za koje prijavitelj sumnja da je izvršilo korupciju, ukoliko prijavitelj ima informacije o tome u trenutku podnošenja prijave i
 - e) podatke i dokumentaciju iz koje proizilazi sumnja da je izvršena korupcija, ukoliko istim raspolaže.

Član 6.

(Ovlašteno lice za prijem i postupanje po prijavama korupcije)

- (1) Ovlašteno lice za prijem i postupanje po prijavama korupcije (u daljem tekstu: ovlašteno lice) je lice koje posebnim rješenjem imenuje ministar, shodno članu 31. Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22) (u daljem tekstu: Zakon).
- (2) Pristup zaprimljenim prijavama pristiglim na način iz člana 5. stav (1) ovog pravilnika ima samo ovlašteno lice.
- (3) Ovlaštenom licu nije dozvoljeno brisati, mijenjati sadržaj prijave na bilo koji način niti prosljeđivati prijavu dalje, osim nadležnim organima iz člana 34. stav (1) tač. h), i) i j) Zakona odnosno iz čl. 9., 10. i 11. ovog pravilnika.

Član 7.

(Postupanje po prijavi)

- (1) Postupak internog prijavljivanja počinje kada prijavitelj podnese prijavu iz člana 5. stav (1) ovog pravilnika ministru ili ovlaštenom licu.
- (2) Ukoliko prijavitelj podnese prijavu ministru, ministar može postupati po prijavi kao ovlašteno lice shodno odredbama Zakona i ovog pravilnika ili prijavu može kao odgovorno lice Ministarstva, prosljediti ovlaštenom licu na dalje postupanje.
- (2) Ovlašteno lice nakon što zaprimi prijavu utvrđuje da li prijava sadržajno ispunjava uslove iz člana 5. stav (2) ovog pravilnika.
- (3) Ovlašteno lice je dužno postupati i po anonimnim prijavama koje sadrže sve podatke propisane u članu 5. stav (2) tač. b), c), d) i e) ovog pravilnika.
- (4) U slučaju da prijava ne ispunjava uslove iz člana 5. stav (2) ovog pravilnika, ovlašteno lice će o tome obavijestiti prijavitelja, čiji mu je identitet poznat, da u roku od sedam dana od dana prijema obavijesti prijavu dopuni.
- (5) Ako prijavitelj ne otkloni nedostatke u roku utvrđenom u stavu (4) ovog člana, pa se usljed toga ne može postupati po prijavi smatrat će se da prijava nije ni podnesena.
- (6) O zaprimanju nepotpune **prijave**, ovlašteno lice je dužno sačiniti službenu zabilješku.
- (7) Ovlašteno lice će svaku zaprimljenu prijavu, podatke navedene u prijavi, kao i identitet osobe koja je podnijela prijavu tretirati kao službenu tajnu i neće provoditi aktivnosti usmjerene na otkrivanje identiteta anonimnog prijavitelja.

Član 8.

(Radnje nakon zaprimanja prijave)

- (1) Ovlašteno lice je dužno da postupi po prijavi bez odlaganja, a najkasnije u roku od 30 dana od dana prijema prijave.
- (2) Ovlašteno lice samostalno provodi radnje utvrđivanja osnovanosti prijave korupcije.
- (3) Ovlašteno lice ima pravo neposrednog uvida u predmete, poduzete radnje i sve druge akte na koje se prijava odnosi ili koji mogu biti povezani sa prijavom.
- (4) Državni službenici i namještenici u Ministarstvu su dužni saradivati sa ovlaštenim licem i pružiti mu sve potrebne informacije koje se tiču prijave korupcije.
- (5) U roku od 30 dana od dana podnošenja **prijave**, ovlašteno lice je dužno obavijestiti prijavitelja o mjerama i aktivnostima poduzetim po podnesenoj prijavi.
- (6) U roku od osam dana od dana okončanja postupka po prijavi, ovlašteno lice je dužno dostaviti prijavitelju odluku o ishodu postupka po podnesenoj prijavi korupcije.
- (7) U roku od osam dana od dana okončanja postupka po prijavi, ovlašteno lice je dužno obavijestiti Ured za borbu protiv korupcije i upravljanje kvalitetom o ishodu postupka po podnesenoj prijavi korupcije.

Član 9.

(Postupanje s prijavama koje se odnose na krivična djela)

- (1) U slučaju kada je ovlašteno lice utvrdilo da prijava ukazuje na izvršenje krivičnog djela, dužno je u roku od pet dana od dana prijema prijave, prijavu prosljediti nadležnom tužilaštvu.
- (2) Ovlašteno lice je dužno prosljediti prijavu nadležnom tužilaštvu bez odlaganja i u slučaju kada u toku postupanja po prijavi, dođe do saznanja koja ukazuju na izvršenje krivičnog djela.

Član 10.

(Postupanje s prijavama koje se odnose na prekršaj)

- (1) U slučaju kada je ovlašteno lice utvrdilo da prijava ukazuje na izvršenje prekršaja, dužno je u roku od pet dana od dana prijema prijave, prijavu prosljediti organu ovlaštenom za inspekcijski nadzor.
- (2) Ovlašteno lice je dužno prosljediti prijavu organu ovlaštenom za inspekcijski nadzor bez odlaganja i u slučaju kada u toku postupanja po prijavi, dođe do saznanja koja ukazuju na izvršenje prekršaja.

Član 11.

(Postupanje s prijavama koje se odnose na disciplinsku odgovornost)

U slučaju kada je ovlašteno lice utvrdilo da je prijava osnovana, te da se na osnovu prijave ili radnji provedenih na utvrđivanju njene osnovanosti može zaključiti da navedeno djelo ima obilježja disciplinske odgovornosti, prijavu će prosljediti ministru radi pokretanja disciplinskog postupka protiv državnog službenika ili namještenika u skladu sa odredbama Uredbe o pravilima disciplinskog postupka za disciplinsku odgovornost državnih službenika u organima državne službe u Kantonu Sarajevu ("Službene novine Kantona Sarajevo", br. 22/20 i 23/22) ili Uredbe o pravilima disciplinskog postupka za disciplinsku odgovornost državnih službenika u organima državne službe u Federaciji Bosne i Hercegovine ("Službene novine Federacije BiH", br. 72/04, 75/09, 17/21 i 55/21).

Član 12.

(Registar prijava)

Svaka zaprimljena prijava će se evidentirati u centralnu evidenciju svih **prijava**, osim anonimnih prijava, u roku od pet dana od dana prijema prijave.

Član 13.

(Zaštita podataka i osoba)

- (1) U postupanju po prijavama, Ministarstvo preduzima sve radnje na način kojim se osigurava zaštita svake osobe koja to zatraži u skladu sa Zakonom o zaštiti ličnih podataka Bosne i Hercegovine ("Službeni glasnik BiH", br. 49/06, 76/11 i 89/11) kao i drugih propisa koji uređuju ovu oblast.
- (2) Svi podaci iz prijave, kao i identitet prijavitelja i ostalih lica koji se navode u prijavama izuzeti su od saopćenja javnosti.

Član 14.

(Čuvanje i prijava podataka)

Prijave, predmeti, kao i sva dokumentacija u vezi sa prijavom se čuva u zaključanom u sefu, kojem pristup ima ovlašteno lice.

III. PRELAZNE I ZAVRŠNE ODREDBE

Član 15.

(Obaveze ministra)

- (1) Ministar će osigurati uslove za blagovremeno i nesmetano provođenje svih mjera i aktivnosti u vezi sa primjenom ovog pravilnika.
- (2) Pravilnik će biti dostavljen svim državnim službenicima i namještenicima Ministarstva, po njegovom stupanju na snagu.

Član 16.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 08-01-02-42879/22

20. oktobra 2022. godine

Sarajevo

Ministar

Davor Čičić, s. r.

Ministarstvo za odgoj i obrazovanje**Kantona Sarajevo**

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 29. stav (6) Zakona o osnovnom odgoju i obrazovanju ("Službene novine Kantona Sarajevo", br. 23/17, 33/17, 30/19, 34/20 i 33/21), ministrica za odgoj i obrazovanje Kantona Sarajevo donosi

PRAVILNIK**O IZMJENAMA I DOPUNAMA PRAVILNIKA O ORGANIZACIJI I REALIZACIJI SPECIFIČNIH OBLIKA NASTAVE IZ PREDMETA TJELESNI I ZDRAVSTVENI ODGOJ U OSNOVNOJ ŠKOLI**

Član 1.

(Izmjene i dopuna člana 3.)

- (1) U Pravilniku o organizaciji i realizaciji specifičnih oblika nastave iz predmeta Tjelesni i zdravstveni odgoj u osnovnoj školi ("Službene novine Kantona Sarajevo", broj 53/18), članu 3. tačka b) mijenja se i glasi:
 - "b) **Instruktor plivanja** je, u pravilu, lice sa diplomom Fakulteta za tjelesni i zdravstveni odgoj koje angažuje realizator škole plivanja za Ministarstvo za odgoj i obrazovanje Kantona Sarajevo (u daljem tekstu: Ministarstvo). Navedeno lice savjesno, stručno i odgovorno realizira programske sadržaje koji prate publikaciju "Priručnik za budućeg plivača", te za svoj rad odgovara koordinatoru u ime Ministarstva i voditelju škole plivanja kod realizatora škole plivanja."
- (2) U tački c) riječi: "(januar, februar i mart)", zamjenjuju se riječima: "(u toku nastavne godine)".
- (3) Tačka d) mijenja se i glasi:

"d) **Instruktor skijanja** je, u pravilu, lice sa diplomom Fakulteta za tjelesni i zdravstveni odgoj kojeg angažuje realizator škole skijanja za Ministarstvo. Navedeno lice savjesno, stručno i odgovorno realizira programske sadržaje koji prate publikaciju "Skijanje za djecu", te za svoj rad odgovara koordinatoru u ime Ministarstva i voditelju škole skijanja kod realizatora škole skijanja."

(4) Tačka e) mijenja se i glasi:

"e) **Škola planinarstva** je specifičan oblik nastave iz nastavnog predmeta Tjelesni i zdravstveni odgoj koji pohađaju učenici sedmog razreda osnovnih škola i organizira se i realizira u toku nastavne godine, na uređenim planinarskim izletima i uređenim planinarskim stazama i objektima u Kantonu Sarajevo, gdje su osigurani optimalni uslovi za rad. Učenici će realizirati minimalno tri jednodnevna izleta u toku školske godine. Rad sa učenicima se realizira po planu i programu osnovne škole za vrijeme radne sedmice (od ponedjeljka do petka)."

(5) U tački f) riječi: "od nadležnog organa" se brišu.

(6) U tački g) riječi: "od nadležnog organa" se brišu.

(7) Iza tačke g) dodaje se nova tačka h) koja glasi:

"h) Publikacije iz člana 3. tač. b), d) i e) ovog pravilnika će se dostaviti učesnicima škole plivanja, skijanja i planinarstva u digitalnom ili pisanom obliku."

Član 2.

(Izmjena člana 6.)

U članu 6. stav (2) mijenja se i glasi:

- (2) "Škola se organizira u smjenama od po pet dana (5 x po 120 minuta), za svakog učenika četvrtog razreda osnovne škole uz prisustvo učitelja i instruktora škole plivanja za vrijeme radne sedmice (od ponedjeljka do petka) u toku nastavne godine. Instruktor škole plivanja vrši edukaciju, u pravilu, na grupu od petero djece."

Član 3.

(Izmjene člana 7.)

(1) U članu 7. stav (2) mijenja se i glasi:

"(2) U procesu realizacije "Škole plivanja" u pratnji učenika iz njihovog odjeljenja učestvuje nastavnik razredne nastave i instruktor plivanja."

(2) Stav (3) mijenja se i glasi:

"(3) Škola plivanja se realizira u grupama. Broj djece u grupi se određuje u skladu sa Operativnim i Izvedbenim planom i programom."

Član 4.

(Izmjene člana 11.)

- (1) U članu 11. stav (1) riječi: "(januar, februar i mart)", zamjenjuju se riječima: "(u toku nastavne godine)", a riječi: "na lokacijama Igman (Malo polje i Veliko Polje) i Bjelašnica." zamjenjuju se riječima: "na uređenim skijaškim stazama u Kantonu Sarajevo gdje su osigurani optimalni uslovi za rad."
- (2) U stavu (2) riječi: "(od 8h do 14h)" se brišu.

Član 5.

(Izmjena i dopuna člana 12.)

- (1) U članu 12. stav (2) riječi: "na 15 učenika", zamjenjuju se riječima: "po odjeljenju".
- (2) Iza stava (3) dodaje se novi stav (4) koji glasi:
- "(4) Škola je dužna naći zamjenu za nastavnika koji je u pratnji učenika u toku "Škole skijanja", kako se ne bi ometao redovan nastavni proces u školi."

Član 6.

(Izmjene člana 16.)

- (1) U članu 16. stav (1) riječi: "u prvom polugodištu (septembar, oktobar) i drugom polugodištu (april, maj i juni)", zamjenjuju se riječima: "u toku nastavne godine".
- (2) U stavu (2) riječi: ",na pet lokacija - (Igman, Bjelašnica, Ormanj, Sarajevski Ozren i Trebević" se brišu.
- (3) Stav (3) mijenja se i glasi:
"(3) Nastava se realizira tokom minimalno tri jednodnevna izleta na destinacijama u Kantonu Sarajevo, koji se realiziraju radnim danima u toku nastavne godine."

Član 7.

(Izmjena i dopuna člana 17.)

U članu 17. stav (2) iza riječi "Škole planinarstva" dodaju se riječi: ", u pravilu", a riječi: "na 15 učenika" zamjenjuju se riječima: "po odjeljenju".

Član 8.

(Izmjena člana 21.)

- (1) U članu 21. stav (2) tačka g), riječi: "na svakih 15 učenika" zamjenjuju se riječima: "po odjeljenju".
- (2) U stavu (2) tačka k), riječi: "Vozila su locirana na: ulasku u prašumu Ravna Vala na Igmanu, kod planinarskog doma "Fasto" na Ormanju, kod planinarskog doma na Čavljaku na Sarajevskom Ozrenu, uz planinarsku stazu na Štinom dolu na Bjelašnici, na parkingu Ravne na Trebeviću," zamjenjuju se riječima: "Vozila su locirana najdalje tri kilometra od početne tačke rute,".
- (3) U stavu (2) tačka l) mijenja se i glasi:

"1) obavezi Ministarstva da u toku realizacije "Škole planinarstva" na svakoj lokaciji osigura podršku Gorske službe spašavanja, i to po dva člana Gorske službe spašavanja koji su u pratnji učenika na svakoj lokaciji, uz angažiranje minimalno jednog vozila Gorske službe spašavanja,".

Član 9.

(Novi čl. 21a. i 21b.)

Iza člana 21. dodaju se novi čl. 21a. i 21b. koji glase:

"Član 21a.

(Organizacije redovne nastave za vrijeme trajanja škola)

U vrijeme realizacije škole plivanja, skijanja i planinarstva redovna nastava se realizuje dostavljanjem materijala putem online platforme.

Član 21b.

(Monitoring i evaluacija)

Monitoring i evaluaciju specifičnih oblika nastave iz predmeta Tjelesni i zdravstveni odgoj u osnovnoj školi vrši Javna ustanova Institut za razvoj preduniverzitetskog obrazovanja Kantona Sarajevo."

Član 10.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 11-34-34459-1/22

16. septembra 2022. godine
Sarajevo

Ministrica

Naida Hota-Muminović, s. r.

GRAD SARAJEVO**Gradsko vijeće**

Na osnovu člana 26. stav 1. tačka 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst) i člana 14., a u vezi sa članovima 5., 20., i 22. Odluke o uslovima i načinu dodjele "Šestoaprilske nagrade Grada Sarajeva" ("Službene novine Kantona Sarajevo", broj 41/22), Gradsko vijeće Grada Sarajeva, na 20. sjednici održanoj dana 26.10.2022. godine, donijelo je

ODLUKU**O IMENOVANJU ODBORA ZA DODJELU
"ŠESTOAPRILSKE NAGRADE GRADA SARAJEVA" U
2023. GODINI**

Član 1.

Imenuje se Odbor za dodjelu "Šestoaprilske nagrade Grada Sarajeva" u 2023. godini koji čine članovi Komisije za izbor i imenovanja Gradskog vijeća Grada Sarajeva te istaknuti javni djelatnici prof. dr. Jasmina Selimović, prof. dr. Hadžan Konjo, doc. dr. Šahim Kahrmanović, Mirsada Murtić, dr. sc., Mirza Pašić i Edin Deljić.

Član 2.

Mandat članova Odbora za dodjelu "Šestoaprilske nagrade Grada Sarajeva" iz člana 1. ove odluke prestaje usvajanjem izvještaja o radu Odbora od strane Gradskog vijeća Grada Sarajeva.

Član 3.

Članovi Odbora za dodjelu "Šestoaprilske nagrade Grada Sarajeva" iz člana 1. ove odluke imaju pravo na naknadu za svaku održanu sjednicu u istoj visini naknade koja je utvrđena kao i za ostala radna tijela Gradskog vijeća Grada Sarajeva.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-GV-02-1604/22
26. oktobra 2022. godine
SarajevoPredsjedavajući
Gradskog vijeća
Jasmin Ademović, s. r.

Na osnovu člana 26. stav 1. tačka 18. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst) i člana 15. stav 2., a u vezi sa članovima 8., 12. i 13. Odluke o priznanjima i nagradi Grada Sarajeva ("Službene novine Kantona Sarajevo", br. 34/10 - Prečišćeni tekst, 14/14, 31/14, 11/20 i 16/22), Gradsko vijeće Grada Sarajeva, na 20. sjednici održanoj dana 26.10.2022. godine, donijelo je

ODLUKU**O DODJELI PRIZNANJA "PLAKETA GRADA
SARAJEVA"**

Član 1.

Dobitnica priznanja "Plaketa Grada Sarajeva" je Lejla Njemčević.

Član 2.

Priznanje se dodjeljuje u obliku Svečane diplome.

Član 3.

Priznanje se uručuje na Svečanoj sjednici Gradskog vijeća Grada Sarajeva.

Član 4.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-GV-02-1605/22
26. oktobra 2022. godine
SarajevoPredsjedavajući
Gradskog vijeća
Jasmin Ademović, s. r.

Na osnovu člana 26. stav 1. tačka 18. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst) i člana 15. stav 2., a u vezi sa članovima 8., 12. i 13. Odluke o priznanjima i nagradi Grada Sarajeva ("Službene novine Kantona Sarajevo", br. 34/10 - Prečišćeni tekst, 14/14, 31/14, 11/20 i 16/22), Gradsko vijeće Grada Sarajeva, na 20. sjednici održanoj dana 26.10.2022. godine, donijelo je